

Taarifa kwa Vyombo vyahabari

Katika Kipindi cha Mwezi Uliobarikiwa wa Ramadhan, Wito wa Kuachiliwa Huru Naveed Butt, Mtetezi Halisi wa Khilafah, Aliyetekwa Nyara Tangu Mnamo 11 Mei 2012

(Imetafsiriwa)

Enyi Watu wa Nguvu na Ushawishi! Tunatoa wito kwenu mtumie nguvu na ushawishi wenu kuhakikisha kuachiliwa huru kwa kaka yenu mheshimiwa, Naveed Butt. Tunatoa wito kwenu kama watoto watifu wa Umar al-Farooq (ra) na Hamza (ra), bwana wa mashahidi, ambao waliumarisha ulinganizi wa Uislamu kwa nguvu na ushawishi wao, wakipata radhi ya Mwenyezi Mungu (swt).

Naveed Butt anajulikana vyema kwetu sote kama kiongozi mwaminifu, mtetezi wa Khilafah kwa Njia ya Utume (saw) na msemaji rasmi wa Hizb ut Tahrir katika Wilaya ya Pakistan. Ndugu yetu mheshimiwa Naveed alikamatwa mnamo 11 Mei 2012 na majambazi wa watawala wakati huo, utawala wa Kayani-Zardari. Mnamo 11 Mei 2021, itakuwa imetimu miaka 9 kamili ya ukandamizaji kwa muumini ambaye uhalifu wake pekee ni kusema kwamba Mola wake ni Mwenyezi Mungu (swt) peke yake. Katika mwezi huu uliobarikiwa wa Ramadhan, na thawabu zake nyingi kwa walio wema, tunatoa wito utoe kwenu kunyanya kesi yake na kutaka aachiliwe huru, ili mwaka wa kumi wa uonevu usipite. Tunatoa wito kwenu mumsaidie Naveed katika mateso yake na mateso ya familia yake, huku tukikukumbusheni maneno ya Mtume wa Mwenyezi Mungu (saw), ambaye amesema,

«مَنْ نَفَسَ عَنْ مُؤْمِنٍ كُرْبَةً مِنْ كُرْبَةِ الْدُّنْيَا، نَفَسَ اللَّهُ عَنْهُ كُرْبَةً مِنْ كُرْبَةِ يَوْمِ الْقِيَامَةِ»

“Yeyote anayempa afueni muumini kutokana na tatizo mionganini mwa matatizo ya dunia, Mwenyezi Mungu atampa afueni kutokana na tatizo mionganini mwa matatizo ya Siku ya Kiyama” [Muslim].

Enyi Watu wa Nguvu na Ushawishi wa Pakistan mionganini mwa Wanachuoni, Waandishi wa Habari, Wanasheria au Jumuiya ya Biashara kati ya Wengineo! Nguvu zetu, ushawishi, hadhi na fadhila sio chochote isipokuwa neema ya Mwenyezi Mungu (swt) ambayo inaweza kuchukuliwa kutoka kwetu wakati wowote. Hakika, nguvu zetu, ushawishi, hadhi na fadhila ni amana ambazo tutahesabiwa na Mwenyezi Mungu (swt). Huku maisha yetu yanavyokaribia mwisho wake usioweza kuepukika, ni wakati muafaka kwamba tuwekeze nguvu na ushawishi wetu katika mahali pazuri, katika kumtumikia Mwenyezi Mungu (swt) na kwa kudhihiri kwa Dini Yake. Tutawekeza uwezo wetu katika wakati ambao Umma wa Kiislamu umeamka kwa ajili ya lengo lake katika Dunia hii, ibada kamili ya Mwenyezi Mungu (swt), kuitia utekelezaji wa Uislamu kama mfumo wa maisha, mamlaka na dola. Kwa kweli, wito wa Khilafah sasa ni hitaji kuu la Umma wa Kiislamu, ambao umekata tamaa kwa watawala wa sasa, ambao hawaajaleta chochote isipokuwa mateso na fedheha kuitia upotofu na dhambi zao. Kwa kweli, bila uongozi wenyewe kuongoza, Umma wa Kiislamu ni kama yatima aliyelekezwa, asiyé na mwajibikaji wake au mlezi, kwa kuwa ardhi zake zimekaliwa, utajiri wake umeoporwa na heshima ya Mtume (saw) inashambuliwa mara kwa mara bila majibu yanayofaa.

Enyi Wana wa Umar al-Farooq (ra) na Hamza (ra), Bwana wa Mashahidi! Kwa kweli, jamaa imekusanyika na inahitaji Imam wa kuongoza. Ni sisi, watu wenyewe nguvu na ushawishi ambao tunapaswa kutekeleza wajibu wetu na kuwaongoza Waislamu kwenye mabadiliko ya kweli, bila kumcha yeyote isipokuwa Mwenyezi Mungu (swt) Ndugu yetu Naveed ndivyo alivyofanya na ni ukumbusho kwetu sote, kwamba Mwenyezi Mungu (swt) hataleta Nasr (Ushindi) Wake bila kujitolea kwetu na kudumu kwetu juu ya haki. Kwa hivyo, ni juu yetu sote kuzungumza kwa niaba yake, tukitaka aachiliwe huru na kusimama badala yake kutaka kusimamishwa tena kwa Khilafah kwa Njia ya Utume (saw). Mwenyezi Mungu (swt) asema,

(إِنَّ اللَّهَ اشْتَرَى مِنَ الْمُؤْمِنِينَ أَنفُسَهُمْ وَأَمْوَالَهُمْ بِأَنَّ لَهُمُ الْجَنَّةَ)

“Hakika Mwenyezi Mungu amenunua kwa Waumini nafsi zao na mali zao kwa kuwa wao watapata Pepo.” [Surah at-Tawbah 9:111].

**Afisi ya Habari ya Hizb ut Tahrir
katika Wilayah Pakistan**

#FreeNaveedButt